




温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

傳 傳 墓銘 傳 傳 傳

湘瀾文鈔目錄附錄

吳竹軒先生八秩榮壽序

張履齋先生序

為鄭不曉祭張太公暨岳父張履齋先生路祭文

為受業門生祭張履齋先生文

為張履齋悔過延壽疏

張子蘭先生序

崔勤甫先生序

王龍光太夫子序

王信甫先生序

王兆斌先生序

樂清湘瀾李王仁著

溫州府圖書館

WENZHOU LIBRARY

壽

壽

泃澗文鈔

陶迪如先生序

林岳父駕山先生傳

林太母王孺人貞節序

林滋田先生贊

林桂臺先生贊

頌福太守德政錦繡序

頌苑觀察德政錦繡序

祝吳纘之先生新屋落成拋梁文

祭吳纘之先生文

吳嵩西先生傳

王氏大宗祠創這記

重修王氏宗譜序

泃澗文鈔卷之四

溫州府圖書館

WENZHOU LIBRARY


外舅

祭先母鄭安人父

祭岳母林太孺人文

祭臧宅岳父安人父文

重修張氏宗語序



溫州市圖書館

WENZHOU LIBRARY

國朝

卷之二十一

湘瀾詩鈔目錄

樂清湘瀾李王仁著

丙子科秋試報罷七律三首

步張蘭樵病中感謝親友代為祈福原韻以慰之一律

癸巳恩科七月夜泊舟台州城外次張子蘭韻一律

題故友吳翼之遺稿五律二首

步張蘭樵同張子蘭臧子勤三君子踏青原韻七古一篇

贈式熙上人七古一篇

步張蘭樵詞丈詠洋菊花原韻七律三首

溫州府圖書館

湘灑文鈔

樂清湘灑李王仁著

吳竹軒先生八秩榮壽序

古者元氣渾噩，俗尚敦龐，人多純固，葆真不祈壽而壽自永，如康衢之叟，絳縣之老，史冊所傳，班班可考。後世澆漓日甚，蒼蒼者稀，或乃以餌芝精，餽丹石為長生計，豈知壽者酬也。惟有端恪溫仁之德，斯為黃耆台背之符乎。我姘伯竹軒吳翁，系出延陵，明德之後，代有達人。翁生多異質，綠早孤，露家境亦艱，遂躬耕力穡，克勤克儉，卓然知自立。由是增田產，肯堂構里之人，文稱羨焉。生平雖未習文史，而於人情物理，洞澈練達，舉動悉中禮節。處族黨間，謙恭周慎，有士君子風。遇小子後生，恆以孝友忠信睦，姘任恆數端，殷殷告誡，如梁僧說法，虎邱頑石亦皆點頭也。翁嘗謂太上立

德次之功立言自愧少負失學不獲為有用材設身世周旋於人  
 毫無裨益不幾虛此生耶故無論親疏遠近凡睚眦之隙并一切  
 雀角翁知之即為排解息好難唇焦舌敝不辭至有糾結難結者  
 尤委曲調護務使兩造冰釋而後已一時殷富之輩詩書之家宜  
 無不樂與翁晉接德配陸孺人續娶林孺人皆同心誼勉相與有  
 成令嗣二長謹厚克家次亦倜儻不群女如其教男女孫各四蘭  
 芽迭茁繞膝分甘吾翁顧之樂可知矣茲際八旬攬揆諸親友謀  
 為書屏祝嘏乞仁一言以侑觴仁維翁之修諸己而及於人者既  
 厚則天之報其善而錫以福者必深矧我國家養老典重行將修  
 致膳就見之文知翁躋期頤膺純嘏康強逢吉扶杖以觀德化之  
 隆其壽正未有艾也是為序時光緒辛巳清和月歲貢生候選儒  
 學訓導李王仁謹撰

傳

課

詞

身

張履齋先生序

兄號履齋諱奕葉榜名考吉幼與予同就學於谷魯士先生每為  
 文下筆立成汨汨千萬言始師疑其非己出及屢誦日進益奇焉  
 而深冀之因與論經史疑義無不了了指掌解人所不解兄靈異  
 絕倫又刻苦力學每至三更五鼓常吟誦不輟一切詩賦駢體及  
 楷書各臻善妙雖名儒宿學罕其匹焉道光二十九年入學咸豐  
 二年補增又五年補廩嗣是科歲考及經古解無不高列前茅聞  
 其名者遠近爭從之遊吾兄門牆日廣教必因人得其秘者即破  
 壁飛去當咸豐十一年髮逆竄踞縣城吾兄激昂倡義與胡次恭  
 胡觀堯兩君徒步至柵溪乞師破賊事定孫縣令上於朝奉旨以  
 儒學訓導選用人皆榮之而兄以一第困人終抱為憾益潛心舉  
 業復應同治壬戌甲子二科鄉試竟不售而兄之病亦自此作矣

然兄又非僅以文名也。生平篤孝友而持身極謹，不顯白人非里  
之中有好訟與爭鬥者，即奮身排解，雖唇焦舌敝不辭，以及睦族  
信友惠下，悉出至情，其行誼又如此，使其奮足矢衢，得抒抱負，將  
本此中正不倚之概，以匡濟一時於國家，不無少補，豈僅以文章  
冠冕為儒林所推重也耶？而乃年僅踰四旬，名未登一第，卒至懷  
才莫展，抑塞終身，致令有志之士扼腕太息，而莫可如何。何大既  
豐其才，復阨其遇，而又促其壽耶？予方悲兄之不幸，而又念不獲  
與兄共晨夕，致使予寸衷之間，抑鬱無聊，無可告語，可勝慨哉！夫  
鍾子歿而伯牙斷琴，鄭僑亡而孔子掩泣，予與兄自幼至好，垂二  
十餘年，居則命題共課，出則卜日偕行，前後角逐名場，咸相激勵，  
情愛之深，有踰骨肉，而今已矣，抑予又有感焉。兄長予三歲，而萬  
兄玉山，又長兄二歲，俱同日同月生，三人更相次入學，予嘗故作

傳傳

路祭

三生祠以誌之。而有志未逮。至今未成。使果遂。予願將百歲後。猶  
 得聚處於一室。俾孫子世世共守。不益見友誼於無窮乎。兄之歿  
 距今已六年。今嗣君子蘭。善承先志。綽有父風。於去秋重修宗譜。  
 而思為父序。求序於予。予謂兄。非予不能言。亦非予不能詳。因即  
 與兄相終始者。而歷歷書之。猶想見一床風雨。談笑言歡。如在目  
 前。不自覺其淚之何從而來也。時光緒丁丑春月。  
 為鄭正曉祭張太公暨岳父張履齋先生文。  
 嗚呼。少微星隕。誰為文望之宗。寶劍沙沉。長洒英雄之淚。况當虞  
 歌忽作。楚些旋聞。在鄰里共切款。歎豈姻戚。勿加涕泣。攀輶致奠。  
 思淚陳詞。恭維張老太公暨岳父大人。世傳樹德。代有達人。賈充  
 果可克家。蘇頌從而繼起。髫年入學。能讀樞書。弱冠為文。自成古  
 調。經術則陶鎔諸子。聲名則冠冕群倫。遊泮水之宮。知非凡器。食

同治九年

...

天家之祿屢拔前茅得其秘者破壁而飛聞其名者束修益眾三

秋月桂分香在彈指之間萬里雲程捷足可梯身而上而乃玉樓

遽召竟赴修文鵬鳥忽來遂占函問顏氏子徒傳好學李長吉卒

至嘔心天何忌才善難獲報曉也情閑半子誼屬三生遊文

人之峰未親色笑痛忝山之圯時切悲號猶幸家鉢相沿硯

田世守誌傳經之業尚有小同陳述德之詩不無靈運遂使晚也

聆其緒論如傳口澤之存時切追隨恍觀冰清之象陸遜代生陸

抗義之復有徽之誠足慰耳又何憾哉茲當佳城在望玉樹終埋

嘆天暮之同歸情原難已感深恩之未報痛何可言所願征旆乍

還靈輿暫駐馨香可鑒效牽羊表田父之風冥漠有知為歸鶴作

威仙之化謹祝

為受業門生祭張履齋先生文

地拆幽燕峰顏恆霍珠斗芒寒蒼穹氣薄咸陽之樹西傾箕尾之  
星夜落百身莫贖悼神理之茫然萬禩難追嘆儀容之闐若蓋賢  
良道喪固率土所同悲而師弟情深又微忱所獨覺者也恭維夫  
子性敦孝友行具潔清声雋一鑿名高三舍稽古則胸羅萬卷博  
覽則目下數行方其閉戶雪深凍生瓦硯淒風繁雨冷飈油燈筆  
颯颯而飛晨声伊伊而課夕射必蝨心之貫學如雞蹠之貪幸而  
健翮高懸強臺直上作人鰲手造五鳳樓牛馬走得列雄才龍虎  
榜志酬夙願則邱冢錦段製官樣之文章馬氏繡囊高逢山之地  
望而乃青毡還我黃甲看人退之以磨蝎臨宮長吉以鈎深嘔血  
九萬里鵬程未遂鐵硯空穿數十年蠹簡徒搜玉棺忍下賔生不  
壽賈陸子多才天何能言孰問短生之憾地雖云厚難埋長夜之  
憂某等回思侍側之時親領面提之訓董春堂下得列追隨馬融

帳中許聞音樂文王不在茲乎幸天未喪夫子殆將病也迺賜何  
遲謁張禹於門中坐樂正於牀下盈眶且墮淚故双行執手難言  
默無一語竊意奠楹雖夢或屬無憑并思易箚幾時再來可必孰  
知生別即是死離哀哀泰山之頽悵悵梁木之壞談經念切邠春  
之負爰矣從雅範云送宋王之招魂無術茲丁七女謹薦几筵欲  
達寸心難酬高厚嗚呼人云端木急營築室之方我惡許行遽背  
陳良之教不盡微情統祈默佑

為張履齋先生悔過延壽疏

蓋聞數由前定君子推知順受之方壽本仁徵聖賢豈有幸生之  
見然而假年學易植璧秉圭考古訓之流傳尚祈默佑矧下民之  
疾苦敢昧趨求茲以齋也奉世讀書一心潔已常防失足時慄冰  
淵亦勉善人每深惕厲祇以家貧親老全倚墨稼生涯兼之女嫁

傳

琅琅

男婚憑此視田為業而乃積勞成疾有藥勿瘳病既及於七年醫  
 未求夫一效三焦頽熟形神之枯槁如斯一息雖存面目之本東  
 都改某等誼同骨肉合切恐惶於無所控告之時乞上帝曲全之  
 意稍寬謹責免其既往之愆默為轉移許其自新之路或籌添一  
 紀或夢錫九齡則戴白高堂得竭晨昏之養垂青少婦免興凍餒  
 之悲立起沉疴可名延壽收功藥石轉號更生共沐鴻恩勿指胃  
 陳之罪謹伸蟻悃惟期俯鑒之誠謹疏

張子蘭先生序

君諱某某榜名敬修號子蘭履齋先生之令嗣也君幼慧且靜嘗  
 隨父學予每至其館見君端坐父側朗朗誦習聲不輟知其為超  
 宗令器不僅箕裘之紹已也未弱冠即補弟子員越歲科試列案  
 首得食天祿辛卯科秋闈入選旋以額滿見遺人皆惜之而君不

明倫彙編

齊工部...

傳記

并

以為意城南有文昌閣將傾君思更深之購材鳩工集捐費不足  
用一切君獨任之傾囊補助毫無吝惜君之志可謂難矣使其得  
秉事權將公而忘私自足為國家棟幹即使懷才莫展倘天假之  
年亦足以造就英才為儒林模範而乃陸子多才實生不壽蒼蒼  
者天曷其有極予嘗有聯以輓之云累世結知交君果不凡下筆  
真能分父絕百身竟莫贖善難獲報呼天欲訴益心悲蓋紀寔並  
誌痛也今君仲子邑庠生輝光重修宗譜而為父謀序於予予自  
念身世知好之交有與予年相埒并有年稍亞於予者皆零落殆  
盡而惟君視如郟小同言論之間契合無間不啻似君之令先君  
笑貌猶存也而今曷望耶今君有丈夫子五孫一長孟良學行兼  
優雖暫屈鵬程蛟龍終泮池中物也三亦以醫名家四入格致化  
學科五與孫俱靈敏異常他時光大門閭可預卜矣所謂積善之

傳

家世濟其美不誠然耶予雖為君悲而轉為君慰且為予友履齋先生孝也君可無憾於九泉矣光緒丙午清和月

崔勤甫先生序

於海濱湫隘之區躬未澤詩書跡不離商賈而崇儒重道每蘊結於中而不能自己者有握髮吐哺之風此其見之高量之廣迥超乎尋常萬々者吾於鄉僅得一翁矣翁名某某字勤甫先世自由陳入崔其居於蒲也已數傳矣翁少貧謀貿易億無不中與德配王孺人相勤作龜勉同心寒暑無閒於是而家日益富翁嘗言人生大本事親為先故每獲一美味必先奉親嘗置一良田必語令親知翁先嚴本寒素而觀此門庭大啟倉箱漸盈回思平時所日望而難必得者至此而悉置目前况桂子蘭孫繩々繼起有不顧此色喜大快於心哉宜其携杖逍遙克享大年壽至九十三考終

予之

墓銘

彼夫讀禮興悲而言子欲養而親不在以視翁之幸存逮養其愉  
 快為何如哉然翁又邈僅修子職已也以及恭兄訓子睦鄰親族  
 諸端靡不嘖々稱善內外無閒言聞其名者一時如孝廉翰苑諸  
 名流皆樂為登門求謁而翁亦願為東道每投轄強留不忍聽其  
 逕去者蓋其虛懷下士之心有如此翁雖富而不自知其富是以  
 詩書之氣萃於門庭長子熿以弱冠入學旋即食祿大家仲子燮  
 與長孫鴻先後又補弟子員餘孫復卓犖異常他時簪笏滿牀可  
 預卜也古云明德之後必有達人又曰為善必昌斯言誠不誣矣  
 予與翁生同里閭長翁六歲故悉翁甚詳而念翁之行其獲報如  
 此又願後於翁者皆當思翁而效翁其獲報必不爽也是為序時  
 光緒乙巳正月

王龍光太夫子序

為之

龍光太夫子者號銅軒寔仁師吞魯士先生與先君復初公親受  
 業於其門者也仁幼時讀太夫子文初不知為何許人及長始知  
 與仁居同里閑且係族從祖因得悉太夫子行狀太夫子生有異  
 質智百常童年十七補茅子員嗣是登膳堂膺鸚薦文章經術傾  
 動一時遠方之士爭相負笈來遊得其秘者即破壁飛去而太夫  
 子從容恬退寵利不居有謙之自牧之意仁生也晚恨不得為曾  
 參顏回忝附於曾哲顏路之後然即師之所傳與先君之所以訓  
 迪於仁者何莫非太夫子衣鉢之留貽所是仁雖不得親炙於太  
 夫子亦猶親炙於太夫子也茲以重修宗譜讀胡翁為太夫子序  
 不禁三復有感爰起而銘曰於琴見文於夢見公同堂異世心  
 與神通惟太夫子夙擅神壺涵今如古經籍深崇早嬰文譽群奉  
 雋宗宜登桂苑翔步南宮豈期不第坐困馬融青甌故物絳帳為

同樂之妙

齊工部文選教錄卷之三

退

沐瀛文鈔

功文名雖盛文連終窮天寔不慙少薇星空後生小子瞻仰何從

遠之曠代願拜下風時光緒四十年歲次戊寅孟冬月

王信甫先生序

人不必以生平概而即一時之所發激於義而不失於私已足為  
一邑光同治壬戌春髮賊竄踞樂城每四出搜掠吾邑素稱壯勇  
者咸深匿窮谷間公獨奮臂一呼約及鄉團逐賊於港沿西塘杏  
莊等村殺賊三十餘人又獲賊器械無數至此遠近始起而交應  
之翌日復會戰賊於沙角東山南等處約計眾數萬餘人然皆無  
紀律聞警即遁惟公與臧君內森林君清梅爭為先登直衝賊陣  
於白沙山下賊亦出死力拒敵鎗炮俱發臧君林君並遇害公亦  
被炮傷入胸深寸餘數處猶搏戰不已賊緣此膽落思遠遁矣公  
傷醫數月始愈當事者詳其事於憲臧君林君俱入虹川義勇祠

公亦以五品軍功獎賞昔者果卿斷舌先軫喪元類皆身受厚祿  
 至死不辭而公以一介村氓而能偕行偕往倡為先聲詠無衣之  
 詩而知我國家之隆盛與恩澤之深其足以繫人愛戴者為靡窮  
 也時先緒戊寅冬月

王兆斌先生序

平居而談忠義孰不自矜氣節及身臨不測遂至含羞忍垢苟且  
 偷生甚有引賊入境藉此圖利且以自快其私仇者概不勝慨哉  
 同治壬戌春髮賊竄踞樂城人或窮蹙不出公能奮然思起與賊  
 君內森林君清梅及諸團勇擊賊於港沿白沙等處靡不爭為先  
 登斬獲甚眾賊由此落膽遠遁人皆壯之遂請於上而以五品軍  
 功給公夫公非讀書者也而忠義之發出於性真有勃之不能自  
 遏者彼夫恃一夫之勇而橫行鄉里往之以睚眦小故即挺身很

相國集卷之二

齊王廟文書院藏書

兆傳

壽

沐澤文鈔

斗卒之禍連法及至死不悔者其視公之公私得失為奚若哉公  
名朝斌號某某故樂序之以為世之好勇者知所法云光緒戊寅

陶廸如先生序

十步之內必有芳草十室之邑必有忠信誠哉是言也吾嘗驗之  
於今得之於鄉有陶翁其人者而益信之矣翁名新楷字廸如幼  
甚慧雖家貧力學不輟嘗負笈於吾鄉王銅軒先生先生文品兼  
優從遊者眾每推許及翁謂異日必期遠到詎因於童試遂改業  
而為貿易乃翁性爽直不工權算而屢空依然復道習岐黃之術  
謂不能上醫醫國而為次醫人亦足以澤及斯民舉凡十全之旨  
九折之方無不精心研究一時沐其再造者更僕難數而翁亦不  
無德色以致親疏遠近之傳同聲交贊有焚香禱祝以壽翁者此  
在翁好行其德則然而世之藉醫圖利往之齋初投而疾未瘳即

為傳

索謝不已曰吾之力也吾之力也其視翁相去為奚若耶翁生平  
 尚節義妻故後不復續娶而練達人情洞明世故又最善排解凡  
 有赴訴於前者一經譬喻曉導令人睚眦之氣都歸焉有北邙其  
 平時取信於人而胡為聽從乃是耶翁今年六十有九雖目視稍  
 明而精神如故嘗與仁日相晉接談笑言歡每覺撲去吾胸中之  
 塵斗許益嘆翁果吾鄉中所罕觀而信人言誠不謬也因即樂為  
 之序并有以頌翁曰蒲之南翁有廬翁之行古與徒憶翁始好讀  
 書困於試遂棄儒雖溷俗與人殊貧不謫陋亦居憫疾苦嘗匡扶  
 重情誼薄錫銖吾鄉中數百閭無小大共吹噓願矍鑠耄耆俱仁  
 而壽有以夫光緒乙酉夏月

林岳父駕山先生傳

人有終身仰慕而不得一見者亦有無端乍合而歷久不忘者此

必有默主於中。觀於吾岳父林駕山先生。已知之矣。翁與先君交  
 最厚。憶自道光丁未秋。翁來舍適先君病不起。命仁出而招待。翁  
 且示曰。此泮洋林駕山先生名光鰲字。博聞強識。諸子百家  
 無不通曉。雖持躬儉樸。而嗜書極篤。每赴郡應試。不惜重金以購  
 積卷萬餘。且人亦老成持重。綽有古風。汝急見之。以為式。仁因出  
 揖翁。且侍食於翁。見翁雖簡默。而和氣迫人。可親可敬。已私心向  
 慕。知翁真長者之不易覯也。先君歿未數年。而翁亦歿。家慈為  
 仁擇配。仁方在郡。應童子試。初不知為誰。及捷歸後。始知即翁之  
 三女始而喜。繼以不得復見翁為惜。嗣以親迎後。得常省於翁家。  
 見案頭猶存翁詩文若干首。悉係胡馬郁齋二先生館課改  
 作。皆精切不膚。有目共賞之作。并即翁所存卷籍。取而閱之。其中  
 皆翁平時所熟究。歷々丹黃。岳母胡孺人指仁而言曰。此汝翁一

生心血所存嘗閉戶獨坐達旦吟誦不已即形神枯瘠勸以稍息  
 勿顧云仁聞而益駭竊嘆翁之力學如此使其命途順利安知不  
 奮翼雲衢扶搖萬里而乃名未登一第年僅踰四旬而卒至抱疾  
 以終此不獨翁德恨於九泉抑亦有志之士所為抗腕而太息者  
 也然仁既悲翁不遇而猶幸已獲翁一面迄今懸之懷抱髣髴自  
 前俾知所向慕而私衷為之稍慰也是即無端乍合中不誠由於  
 天假之緣哉翁歿無嗣岳母以堂叔光岳公之子為己子恩勤撫  
 育如出裹毛并囑仁善指示之以承翁志仁以為苦心不負屈以  
 必伸翁既不得志於前必克昌於後因即仁得識翁所由始者而  
 追書之至翁性情之渾厚言行之謹慎以及孝友和睦鄰里諸端  
 則必有大君子為之傳仁何敢贊一辭哉同治十二年癸酉七月

林太母王孺人貞節序

拊舍精之木而漆室興歌登已蜀之臺而懷清待築自來柏舟矢  
志彤管揚芬未有史冊不為流傳宗戚交相稱頌者矣若我林太  
母王孺人者象出槐堂詞工柳絮金梭發彩巧本天成玉勝流輝  
人間原閒出修成雪魄疑明月於前身對此冰姿似梅花之古樹  
早已柔嘉維則淑慎其身其歸我泰錦公也恥爭馬墮之妍動合  
雞鳴之戒親承色笑善事高堂用佐邛儀克襄中饋富而能儉何  
妨于挽鹿車樂亦不淫祇願眉齊鴻案乃吾翁河魚溝疾忍來二  
豎之居而孺人林鳥驚棲請代百身之贖量水秤藥禱佛誦經辛  
勤數月之餘倉卒一棺之下孺人腸幾寸斷身視銖輕化石飛魂  
歛作墮樓之計帶麻請死甘為絕粒之謀祇以二老衰齡一孤弱  
息必求永訣思定省之何人若不彌留問提攜而孰托因是吞聲  
飲泣為婦并欲為兒茹苦含辛作母更思作父循陔補職畫荻教

書每膏倚織長鳴挑燈獨坐心非石轉誓為蘭壁之完淚似珠圓  
色染湘江之竹與冰霜而較潔視松柏而長青洎乎子已有孫孫  
又生子皆前挺秀盡是護枝堂上問安無非玉樹回憶茶心閱苦  
惟之死而靡他豈期棘子經營幸彼蒼而默佑卓見調遠獨繭絲  
長此皆孺人苦節之徵抑亦勵志青年之報也仁同居桑梓之鄉  
以欽霜節蕙耐葛藟之末特表風徽述諸遺聞綜其實事是宜雲  
標緋楔旌於節母之門行見日照絲綸寵以華衣之錫同治十二  
年癸酉春月

林滋田先生贊

泮林村裏蟹嶼山前中有君子不俗不仙雞鳴修職雁序無愆耽  
窮經史腹笥便便朝吟夕咏予不釋篇自期遠到雲路三千而乃  
抱璞未着一鞭人方抱屈公獨坦然超視塵世榮辱勿牽吟風弄

視

沐瀾文鈔

月陶寫性天銀鈎鐵畫臨帖池邊兼逢  
鴻棄並肩從容自適無黨無偏和親睦族  
有視田春風秋月獨坐青氈諄諄善誘  
姻聯每遊泰岳必謁丹鉛見公儀度峭厲  
泉公何樂易情意纏々何以祝公寸曲難  
宣惟願公壽如山如川

林桂臺先生贊

異哉此翁不與凡同天資既殊形貌又  
精岐伯製習雷公神農以下和緩之中  
俯則一世孰與並工身逾  
六甲矍鑠厥躬精神龍馬吐氣若虹子  
孫繞膝似癡似聾手持一  
卷常卧南風曠懷今古笑傲蒼穹謂翁  
傲物翁寔謙冲謂翁執一  
翁寔圓通非仙非俗異哉此翁  
頌福太守德政錦繡序

沐瀾文鈔卷之...

竊以調元贊化朱子駿是一路福星體國衛民司馬公真萬家生  
 佛故智不必以鞭絲見賢不必以聽鼓知而得雨皆甘冰霜自肅  
 緬郭丹之行事署為黃臺喜孫瓚之出麾來白馬恩分覆幕感  
 切扶轅恭維太守大人青箱學守紫蓋靈鍾出入金門萬事成間  
 之伯始翩翩薇省六經群訪乎賢達養伊呂之經綸懋龔黃之勲  
 績榮占五馬綜憲度而提綱駕重一麾出承明而典郡星輅度日  
 露冕觀風萃桃李於門中網珊瑚於海底鹿城春滿飲井水而都  
 甘蜃海風清束蒲鞭而不用認前身為逸少望大尹如葉公樹政  
 劉今孰心洽古吏懲蠹耗催科寓撫字之心野免鴻嗷薄斂本足  
 民之意荷十里金甌重寄天錫絲綸鞏六城鐵障提封民登衽席  
 以芙蓉江為德澤潤滴人間指華蓋山有祥雲棊分天上從此龍  
 顏日近星瓊瑤瑞世之姿鵬路雲高展羽翼冲天之象位次直起

目

新

乎異秩功業足炳於千秋此時下分符已覩西門之善政他日  
朝中當軸定推東里之惠人

頌苑觀察德政錦繡序

竊以嵩高嶽降為國家屏翰之資熊軾龍章慶名世遭逢之盛目  
未碩輔每念蒼生有和風甘雨之休徵即就日瞻雲之念切恭維  
觀察大人紫蓋毓靈青箱嗣業登科注籍題名於星斗光中燒尾  
開筵拔浪在魚龍隊裏群推學問已過半袁兼具甲兵足當一范  
允文允武斗筐聯相將相之星為國為民黼黻佐承平之治消鯨  
吞於浪底靜雀角於人間萬葉十年童叟進班春之酒藕花百里  
賓僚和消夏之詩願閭閻畫作素封戒屬吏莫如白著用一緩二  
催科寓撫字之心耕九餘三解慍協阜財之律不開利孔亦峻罪  
梯朱子駿是一路福星司馬公真萬家生佛某等身居履戴共沐

沾濡願負弩以前驅望執鞭而欣慕甘棠蔭覆什一賦蠹耗早懲  
 細柳春回百二峯燕然並勒以甌江為功德海惠澤春深知華蓋  
 有吉祥雲禁階日近惟願承亨一柱薇垣掇耀乎三台庶幾托庇  
 重簷蔀屋揚仁於萬里敢伸頌頌虔奉心香  
 祝杏莊吳纘之先生新屋落成拋梁文吳孟和先生之尊大  
 昔槐堂瑞肇爭傳王氏之仁駟馬代興文頌于公之政蓋能潤身  
 者必能潤屋亦知卜宅者即知卜鄰親仁里是汾陽所居通德門  
 寔康成之宅門閭高大端由積累之功堂構新成合猷揚休之頌  
 恭維親翁大人甌東望族雁北名流讓德早著家風吳泰伯御史舊  
 傳門第方其警年勵學綺歲能文筆大如椽本具雕龍之手心精  
 結撰再成造鳳之樓而乃儲楨幹材不求聞達為子孫計先作室  
 家栽培惟寶桂鄭蘭居處在廉泉讓水鴻基甫奠祥光來鑿嶼之

輝駿字奉新淑氣萃龍山之秀樓高西北戶判東南顏延之廣起

門庭毋令人笑為拙蕭相國買成田宅寔欲後以為師花萼一樓

合奏壙篋之譜琴書滿座常來談笑之儒韓魏公畫錦堂開李德

裕平泉莊好仁忝居姻婭幼共門牆伯符與公瑾同年淳之識敬

宏邛薄自笑蝸廬以處未瞻美富之門竊幸鵲構初營得附賓朋

之末趙文作室用陳張老徽言齊氏外家定卜魏舒宅相從此文

星拱照瑞氣駢臻一門衍五福之疇九世訂同居之誼將見熊羆

夢叶綿之占瓜瓞之祥燕雀賀成世之畫公侯之選時先緒乙酉

祭吳纘之先生文

嗚呼人之生也豈必百年惟期不朽歿後稱賢雖死不死又奚憾

馬恭維親翁大人性情淳厚行詣通圓幼年力學腹史使之長親

家政節用理錢持躬涉世佩韋佩弦克勤克儉無黨無偏卜鄰卜

沐陽文鈔卷之...

勿

誰	我	琴	已	執	家	分	燃	日	祝	廣	宅
填	長	瑟	判	業	痛	甘	環	專	飲	厦	孟
臨	眠	成	若	洗	哭	繞	瞻	五	然	雲	母
風	卜	絃	天	硯	泣	膝	堂	枝	謂	連	三
洒	不	自	淵	摩	涕	嬉	北	挺	富	倉	遷
淨	終	慚	孝	研	連	笑	萱	秀	之	箱	自
望	吉	拙	蒙	伯	久	堂	草	氣	家	日	蒲
眼	藥	魯	不	符	別	前	並	宇	由	積	至
徒	亦	得	棄	公	屬	如	妍	翻	禮	斯	杏
穿	勿	耐	天	瑾	姻	此	齊	久	終	萬	令
嗟	痊	執	假	年	媿	福	眉	兄	鮮	斯	望
久	何	鞭	之	譜	能	命	借	先	延	十	日
浮	天	每	絲	書	勿	非	老	弟	師	陶	宣
生	不	思	翁	箋	淚	佛	順	後	教	公	和
若	慙	鑽	之	翁	沾	即	坤	科	讀	致	親
夢	奪	仰	仲	性	憶	仙	健	第	志	富	睦
此	我	徒	子	靈	自	胡	乾	蟬	慕	足	族
語	張	嘆	隔	敏	翁	辭	蘭	聯	竇	與	啟
誠	篤	高	幙	子	始	塵	孫	芹	燕	比	後
然	仁	堅	絲	質	共	世	繼	香	庭	肩	承
翁	者	豈	牽	拍	習	遠	起	滿	前	而	先
歸	不	期	朱	愆	簡	近	瓜	室	丹	翁	肯
不	壽	一	陳	以	編	斗	彪	大	桂	之	堂
復	此	疾	合	翁	同	躔	綿	祿	培	意	肯
予	恨	舍	好	視	堂	萬	久	分	植	自	構

國朝

新正

亦述邇衰年跋涉自顧堪憐曰黃台滿背白髮盈顛不多以別相見非懸前緣未斷得晤黃泉殷勤握手各訴奉之茲翁七期特備巨奠爰命小子謹薦糴靈其如在鑒此微虔嗚呼哀哉尚享

吳嵩西先生傳

於山取海澨間而超然獨異不逐魚鹽不爭險要優游歲月俯仰無求終日以養親課子為事此其遇之幸而寔非胸有卓見高人一等者不能吳君嵩西予舊交也少時嘗從吾師谷魯士先生遊予見其大資卓犖每與之談當世務即侃侃直陳有洞悉利弊之概予方以大器目之惟時遭髮逆家室累人遂不得專力於舉子業然其中常快之不自釋尋以籌餉得報左丞缺冀一伸其抱負以吐平時鬱塞之志氣君家康而又能疎財仗義族黨中踵門請貸無虛日君悉與之無德色而且虛懷下士結納四方以致投轄

衷

予  
以傳之

之情截髮之風遐邇交噴。馬至若治宗之法。一遵朱子明訓。內  
外並無閒言。德配金孺人同心。龜勉鴻業。齊眉子三女。二孫復蘭  
芽迭出。今歲予授徒於其家。長子國釗。次子國熙。俱從予學。率皆  
世濟其美。不振家聲。予幸君之遇。而因念平時角逐之交。或與君  
年相埒。並亞於君者。迄今皆零落過半。而存者又多困苦不堪。予  
雖倖獲微名。得升斗祿。而槐闈七蹶。樵悴風塵。曾不得一附青雲。  
以直上。而徒坐困青甌。倚食他方。以視君之出居自樂。聚慶一堂。  
其勞逸為何如。耶。予故為君幸其遇。而益高君之卓見。能知自全  
其遇之幸者。為至幸也。是為序。時光緒七年辛巳。

王氏大宗祠創造記

嘗思仁民必本於親。親親必先於尊祖。我鼻祖敬遠公。自鄞遷  
蒲迄今二百餘年。其間生齒繁衍。繼繼繩繩。至嘉慶某年。始立小

宗祠一所而大宗祠之基地尚未寬定以致春秋祀典無從拜謁常引以為憾謀之者久矣而卒不得就幸賴明照明黜明維思禮思績建安建滄建照諸公於道光三十年得胡氏之地於西街距小宗祠僅數百武顧其址甚廣而又艱於財遂相與按畝計口派捐不悛心力甫一歲而成又從而黜之墜之以壯其觀是舉也不下二千金里之人交相贊焉而我獨怪夫世之利己者流不惜鉅金建築高堂大廈日廣其居以自娛樂而於祖宗之大典反置之毫不顧問可勝嘆哉今觀諸公能急急於是可謂知其大者遠者矣後之體此意而世守之益以擴其規模是則祖宗有靈所可護而色喜者也仁故樂為之記云時先緒戊寅春月

王氏重修宗譜序

天下之大本於一家一家之中本於一身身修則道立道也者孝

遠

悌而已矣士人束髮讀書往往務於淹博遂舉歷代帝王名臣賢  
 哲為之考其世系詳其事寔誌其姓氏里居雖旁搜博引不悌精  
 詳至身之所自出與祖之所自始有茫然不察識者譏之我始祖  
 敬遠公自鄞遷蒲生齒日繁其間文人武略節孝功名載在舊牒  
 者班班可考自道光甲辰重修後至今三十餘年眾等恐丁口之  
 多遷徙之遠以及坟墓配適之屬積久漸失邀予續修之予自念  
 荷祖宗培植之恩手逾強仕曾不能奮翅高飛珥筆朝廷廟堂為  
 宗族光寵而徒坐困鑿宮竊叨食餼於木本水源之地又不能收  
 族睦宗序次明倫其何以告無罪於我祖宗之前耶因借張蘭樵  
 先生及姪賓等細心修葺之張君精勤慎敏較予又詳閱三易寒  
 暑而始成夫譜者補也補其所未及務使後之閱此譜者知身之  
 所自出與祖之所自始了然心目異世同堂斯無愧焉耳至補張

國朝

新刊之歷代通鑑輯覽卷之三十三

揚厲之詞與附會夫真假他族以自誇門第者則我豈敢時先緒

戊寅季春月

祭先母鄭安人文

嗚呼。蓼莪輟誦。痛昊天罔極之恩。此咄興嗟。悲人子離親之况。疇  
 無父母。共此裏毛。難免三年之懷。自切終身之慕。而况黃泉已隔。  
 相見無期。白髮云遙。瞻依莫必。有不呼天。涕泣籲地。悲懷者乎。恭  
 維我母。鄭太安人。千古坤儀。一心淑德。不工禮梵。自見徵祥。偶或  
 如齋。初非佞佛。憶自母于歸之日。正我家少有之時。我母勤而忘  
 勞。富而益儉。雞鳴早起。敢辭井臼之親。漏盡遲眠。祇為縫裳之計。  
 望浣紗石上。指爪俱存。觀織女星邊。機聲不斷。即至倉箱日積。田  
 舍屢增。而惜米如珠。視薪若桂。此我母創業之艱也。父既捐館。伯  
 又分居。家有視田。未遂顯揚之願。案留舊簡。恐亡于澤之存。因是

槍

偏

遠命尋師勉承先志乃邑人不戒竟兆回祿之災而仲子成名幸  
列膠庠之側轉憂為喜勉爾着鞭指天上之青雲願為梯身更上  
盼月中之丹桂還祈早折高枝勗學斷機示功修斷難稍閒和丸  
佐讀恐日夜不免倦勤歷々陳規殷々垂戒此我母望子之深也  
既而家口日增勢難合饗子孫索抱以累衰年每當定省之時常  
缺晨昏之奉甚至蒸梨不熟詬誶時聞我母絕不交呵常持大度  
反說家有賢婦能善事姑無江沱後悔之嘆有姑婦談棋之樂分  
甘繞膝共仰慈恩切肉斷葱婉陳方寸此我母逮下之寬也慨世  
俗之殊情視親疎如一體不矜己惠常周鄰里之貧每值荒年陰  
效豆區之惠雖祖宗已遠祭祀必豐問姻婭云遙存亡至恤至若  
建宗祠則傾資相助遇橫逆則反思己自思眾口交推婆心共見  
數十年之種德非僅埋蛇億萬戶之銘恩應傷化鶴此我母貽謀

之遠也善難備舉美祇略陳方冀松柏長春得效萊衣之舞豈料  
 蒼穹不佑竟埋寶婺之光蒼々者天哀々我母既未獲難豚逮養  
 親色笑於二人又不能獲犬顯揚博榮封於五鼎而復沉疴已久  
 搔抑多疎嘗藥未親返魂無術罪莫贖矣哀可言哉茲當七夕謹  
 薦教觴母其有知偕我父來格來享兒誠不肖與諸孫且拜且前  
 嗚呼哀哉尚享

祭岳母林太孺人文代侯黃生作

嗚呼人非金石從古斷無不斃之軀德有馨香歿世猶切相思之  
 念是以郭母亡而徐君往弔阮萱逝而裴楷興悲况乎誼屬三生  
 情關半子有不嗟聞乾之云遙悼母儀之不再乎恭維我岳母太  
 孺人溫恭成性淑慎為儀奉班母為箴師現菩薩於塵世不二柳  
 絮自具幽貞豈藉蘋蘩始徵孝敬其歸我李岳翁也奉堂上而涖

瀦必潔。主中饋而酒食無愆。每當弋雁。將飛聞雞。初唱呼卿早起。  
不耽同夢之歡。待漏遲眠。常伴長吟之側。鳴機佐讀。擊鉢催詩。相  
夫子以成名。冀封侯於異日。即至劉郎下第。蘇子還家。而慰藉陳  
詞。勉為強臺。再上。遭逢有日。何須伏案興嗟。洗英雄失意之腸。具  
巾幗丈夫之概。推之沾枯潤乏。鄰里共沐恩膏。均苦分甘。僕媪都  
蒙仁愛。款客則脫簪截髮。治家則方肉寸葱。一切米鹽。悉屬茶心。  
擘劃無端。橫逆早為棘子。彌縫緬設。教於宋堂。有斯令範。溯徽音  
於太妣。足繼遺風。是宜壽本仁徵。祥由德召。縱熊羆未卜。僅夢虺  
蛇。而堂構相承。益光門第。芝蘭側出。鞠育不悖。辛勤枝蔗。旁生恩  
勤。一如己出。五龍競秀。一鳳高飛。伯舅既名冠群英。諸季亦質非  
凡品。方期萱堂永茂。欣瞻鳳誥頒封。何圖蓬島未迎。竟駕鸞輿。赴  
宴。厭辭塵界。思返仙鄉。雖大暮同歸。想岳母黃泉無憾。而深恩未

報予小子青夜懷慙悵報德之末由故返魂而無術茲臨七奠爰  
違微忱母其有知願下瑤臺降格祭必以禮敢辭葡萄東窮嗚呼  
哀哉謹祝

祭臧宅岳父安厝文代兄作

外舅

外舅

虞歌忽作淒涼動壯士之悲楚些遙聞涕泣下征人之淚徐孺子  
東窮往弔范巨卿痛哭前臨蓋誼篤者情愈長亦思深者悲難已  
也恭維岳翁大人名臣望族浙水華宗得間氣之鍾目無多靈異  
為違人之後克紹家聲理財則術若陶朱近市則居同晏子從容  
大度鄰里消鼠雀之爭慷慨好施姻族仰解推之惠為貽謀事力  
培心田忘齒德尊喜談笑柄都人士交相傳頌鄉大夫樂為褒揚  
乃翁則謂益貴在謙富宜好禮是以年既逾甲時值生申斗酒祈  
年笑謝賓朋之祝分甘貽樂益徵矍鑠之神問厥子已覩克家願

諸孫又皆繞膝某也情閱丰子誼屬三生每遊泰岱之旁竊憶規  
 繩之示為談家計代切綢繆偶語人情指同冰炭自愧凡材庸質  
 貽誚王郎猥蒙厚望深衷漫誇宅相而乃者容忍渺旌旆俱揚望  
 丈人之峯徒深流涕念老成之逝莫覲儀型雖大暮同歸實屬人  
 生難已而深恩壓已敢言報德無慚所願玉棺偶停金輅暫駐痛  
 黃墟之在目邈若山河對丹旄而攀轅如親色笑某誠不肖稱觴  
 未馬首之旁翁具有靈盞飲赴牛眠之域嗚呼哀哉尚享

重脩張氏宗譜序

張氏者吾鄉之巨族也其始祖安第公於洪武二十七年自甯波  
 調守蒲岐後遂家於蒲馬至康熙四十九年以丁口日繁始立族  
 譜以永後昆越乾隆嘉慶道光屢加修輯同治元年粵匪竄居樂  
 城賴有十七世孫國學生佐庭寶藏之勿失事平遂命邑庠生普

雨嗣

沐灑文鈔

長與姪廩膳生敬修同修輯之二生者嘗問業於予者也予時分  
修邑誌普長與司採訪事敬修亦司校訂任二生精詳審慎不憚  
勤勞予心甚嘉許之謂異日必成大器為宗族光乃未幾二生相  
繼徂謝甚可惜也今歲乙巳秋普長君令嗣國學生振翰敬修君  
令嗣邑庠生輝光復相與輯修宗譜既成而問序於予予念其均  
能繼承父業世濟其美不特為門第幸并可為闔族光也獨是修  
譜之難也緊考張氏黃帝之弟五子為弓矢主祀弘為張氏厥後  
師亮訂謨曲江風采以及西銘為理學之宗南軒負公輔之望英  
賢濟之代有傳人自道光刪定後窮源竟委絕不引派別名賢碩  
輔以誇張門第者其界辨清也所生異姓入繼另設一圖斷不許  
其混入正譜者正本清源其體制嚴也至於生卒墳墓遷徙丁口  
繁多條分縷晰載之甚詳百世後班班可考瞭如指掌焉予謂君

之為是舉也其能克光前烈張氏必有大昌於後乎是為序時光緒乙巳

溫州府志

WENZHOU LIBRARY

丙子科秋試報罷

樂清湘瀾李王仁著

捷音翹盼杳成空  
 知落孫山感慨同  
 困頓名途如此甚  
 挽回氣數究無功  
 敢誇筆力能穿札  
 誰說文章可送窮  
 碌碌三場緣底事  
 挑燈應悔為雕蟲

尚說杭州得信遲  
 半存微倖半成癡  
 難酬親友都未訊  
 為問靈籤詎我欺  
 犬吠常驚疑捷至  
 鵲聲似報喜先知  
 而今豈料均成幻  
 轉賦劉郎下第詩

主司漫說亦冬烘  
 重整殘兵待即戎  
 敗北豈真由戰罪  
 背城安可補前功  
 風雲有志終須會  
 徽倖成名不繫衷  
 願與諸君努力上  
 古來否極自然通

步張蘭樵病中感謝親友代為祈福原韻以慰之一律

芝顏別後柳成陰造化弄人汝忽侵君急誦詩如子美我將草檄

愧陳琳定知夏午添健飯要惜精神莫浪吟七夕中秋重九近携

樽對飲詐微忱

癸巳恩科七月夜泊舟台州城外次張子蘭韻一律

登程休說計言旋先向台江晚泊船潮猶未平難鼓櫓地雖近海

少烹鮮功名得失非吾志烟雨蒼茫伴水眠試念梅溪魁象士諸

君努力繼鄉賢

題故友吳翼之遺稿五律二首

敝篋尋遺稿淒然見故人董帷同講藝時董丹山荆樹每隨身君携

弟朝佐伴讀豈料琴壚幻徒留筆墨新小同欣繼起急付作傳薪

芝嶂山中館曾經兵燹遺至今留數檻餘址半荒蕪歲月驚駒隙

目錄

芝嶂山中館曾經兵燹遺至今留數檻餘址半荒蕪歲月驚駒隙

文章付蠹魚聯風雨共回首宛如初

步張蘭樵同張子蘭臧子勤三君子踏青原韻七古一篇

二月花香滿鼻撲屈指今科又鳴鹿目漸筆墨久荒蕪敢效雄飛

願雖伏頻年困卧市廛間誰向春秋計科目挑燈默坐思索然日

抱稚子惟課讀爭奈家計復紛々難免鄉閭同馳逐曩時壯志何

軒昂忠變難離為朽木數未年齒又平頭荏苒光陰如此速入秦

曾為蘇子遊北自乞師又效包胥哭髮逆入境乞風塵跋涉過

半生思得微名為人牧願我依然一儒生悔不早計歸山麓與君

同上踏青遊放浪形骸無窘蹙昨承佳章捧讀過恍如惠我珠一

斛意似蘇海筆似韓知君得秉氣清淑更羨庭前蘭桂芳幾生修

得獲此福予嘗同談身世事感慨入情多反覆有時展卷論古今

興酣赴市沽新麴雖無絲竹雜管絃聊對花枝作奴僕得君一夔

足啓予况兼三人更邛獨同行同調寫同心共指儒冠衣儒服興  
 盡歸未日將斜飯甌山前水一掬風浴儼同泗水遊具此英才非  
 庸碌相視莫逆津忘中何是賓孰與主孰回頭遙視漁大明報道  
 霞浦港歸軸即此快遊真勝事風流應堪繼金谷

贈式熙上人

白雲深處中山歌中有幽人樂棲遲以耳清名未謀面朝夕思欲

得見之忽遇上人相接引導以先路步丹縉謂接待寺一見果如

舊相識深談娓娓樂不支論詩相與追唐宋臨帖必欲搜古碑眼

中看破人情局示我變幻亦如棋邀坐一枰試先着得失之間在

毫釐落子聲々忘夜久不覺明月上丹墀倦起洗杯還酌酒佐以

棗菓充腹饑流連同榻竟兩日置身如在太液池爭奈一時凡心

動遽向禪宮前許多君惜別遠相送同行復探硯瑋奇硯瑋神

叢最靈驗為我、一行藏時別後特寄瑤函字約以後會八月期  
 中之現往天寧寺適予府試有專司上郡先訪蓮池在說君早歸  
 一日兮每每回寓空惆悵屢欲奉酬寄懷詩我鄉今秋大災降疫  
 氣流行疾病滋曾招羽士兩設醮瘡痍未復仍悲疢街衢夜哭声  
 惻々僉祈演請大法師得君高坐蓮臺上廣宣佛法起疲羸提劍  
 定伏妖魔鬼驅除克惡是鍾馗從此家家登仁壽歡聲重慶世軒  
 羲

步張蘭樵詞丈詠洋菊花原韻七律三首

自慚筆墨久荒蕪敢效淵明寄興殊為愛偶來新異種能矜晚節  
 色香俱移栽老圃花爭艷開到深秋蕊似朱試取精英同釀酒真  
 堪延壽遍歡愉  
 邇來微雨細鋤蕪所愛非閑意見殊但得芬芳供我好何妨欣賞


與人俱種傳異域能甘冷具有丹心不羨朱  
預記重陽佳節近期  
君來就舉杯愉

東籬徑下遍芳蕪此種何來與昔殊臭味雖差總類似人情好異  
大都俱登高笑指秋將暮解語應嗤色欠朱幸有丹心能向日金  
將佳友共誰愉

退

湘  
澗  
詩  
鈔

浙江省永嘉縣後街先哲遺著委員會



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0517